

**Kalaallit Nunaanni nunat aqqinut ataatsimiititat pillugit Inatsisartut inatsisissaannut siunnersuummut nalunaarsuutit.**

**Nalunaarsuutit nalinginnaasut.**

Kalaallit Nunaanni nunat atissaannik siornatigut akuersissutiginnittuusarput nunat aqqi pillugit ataatsimiititat ilaasortaat toqqarneqartartut Kalaallit Nunaannut ministerimit.

Kalaallit Nunaanni nunat aqqinut inatsit (Inatsit nr. 555 30. november 1983-imeersoq) najoqqutaralugu Namminersornerullutik Oqartussat 1. januar 1984 aallarnerfigalugu pisussaatinneqarput nunap kalaallit oqartussaaffigisaata iluani atersuineq malittarisassaliussallugu. Tamatuma kingorna nunat atissaannik akuersissutiginnittarneq maleruagassanik aalajangersarneqarsimasunik tunngaveqarsimanngilaq, nunalli aqqi pillugit oqartussaaneq nuunneqartoq tigummineqarsimalluni Oqaasiliortunit.

Kalaallit Nunaanni nunat atissaannik akuersissutiginnittartussaaneq matumuuna tigutinneqarpoq nunat aqqi pillugit immikkut ataatsimiititanut, taakku suliassaanut tunngasut Naalakkersuisut erseqginnerusumik maleruagassaliussavaat.

**Siulersuinermit tunngasutigut suliassat maannamut ingerlanneqarput Oqaasiliortunit, maannakkut suleqarte-**

qartunit akademikerimik allattoqar-nikkut ikiortilimmik atorfeqartumik. Naatsorsuutigineqarpoq Kalaallit Nunaanni nunat aqqi pillugit ataatsimiititat aamma Oqaasiliortut suliassaat allattoqarfimmit tassanga isumagineqaannassasut. Allattoqarfik taanna maannakkut inisitaavoq Ilisimatusarfimmi, periarfissaasinnaasulli allat isumaliutigineqarput.

Tamanna pillugu allattoqarfimmi suliassat aningaasalersorneqarput Ilisimatusarfiup budgettiantut ilanngussatigut. Allattoqarfik Ilisimatusarfimmit allamut nuunneqarpat aningaasat atugassarititaasut taamatut nuunneqartussaassapputtaaq. Tamatuma saniatigut aningaasalii-soqartassaartaq udvalgimi ataatsimiittarnissanut. Taamaattumik ilimagineqarpoq siunnersuutip aningaasartuutaanerulernissaa ukiumut 30.000,-kr.-nit missaannik.

#### **Aalajangersakkanut ataasiakkaanut nalunaarsuutit.**

§ 1 pillugu: Ataatsimiititat suliassaraat Kalaallit Nunaanni nunat aqqi, allanneri naalisarnerilu ilanngullugit, aqqusernit illoqannginnersallu taaguutaat kisii-sa pinnagit, katersussallugit, nalunaarsussallugit akuersissutigissallugillu. Ataatsimiititat suliassaraattaq pisortat aamma kikkulluunniit Kalaallit Nunaanni nunat aqqi pillugit ilitersortassallugit.

Akuersissutiginninneq ima paasineqassaaq, ataatsimiititat nunap kalaallit oqartussaaffigisaata iluani nunat aqqi tamaasa isummerfigisassagaat aammalu ateq isumaqatigiissutigisartik akuersissutigisassagaat. Aqqusernilli illoqannginnersallu qanoq taaguuteqarnissaat kommunet aalajangertassavaat.

Nunaqarfiit atissaat nutaat sapinggisamik nassuiaate-

qartinneqartassapput kommunalbestyrelse, bygderådi nu-  
naqarfiullu inui isumasioqatigalugit.

Imm. 3-mi kommunet ilaatigut eqgarsaatigineqarput.

§ 2 pillugu: Eqgarsaatigineqarpoq ilaasortat toqqarne-  
qartarnissaat inuit Kalaallit Nunaanni nunat aqqinik  
ilisimannittut akornannit, soorluttaaq sapingisamik  
pingaartinneqartassasoq oqaatsit tungaasigut paasisima-  
saqarluarnissaq. Sulinerup kipeqattaarpallaannginnissaa  
sapingisamik pingaartinneqassaaq. Qinigaaqqittoqarsin-  
naavoq.

§ 3 pillugu: Kalaallit Nunaanni nunat aqqi pillugit a-  
taatsimiititat aamma Oqaasiliortut ataatsimut allatto-  
qarfegarnissaat naatsorsuutigineqarpoq.

Naalakkersuisut pisussaatinneqarput Oqaasiliortut al-  
lattoqarfegarnerat pillugu malittarisassat erseqqinne-  
rusut aalajangersassagaat. Tassuuna pingaartumik eqgar-  
saatigineqarpoq Oqaasiliortut sumi allaffeqarnissaat.